

STATUTI I
SHOQËRISË ME PËRGJEGJËSI TË KUFIZUAR
“EAGLE NEST CORPORATION”

KREU I
THEMELIMI, EMRI, OBJEKTI, KOHËZGJATJA, SELIA

Neni 1
Data e Themelimit, Emri dhe Themeluesit

1. Sot, më 27/5/2021 ne, themeluesit, kemi krijuar një shoqëri me përgjegjësi të kufizuar me emrin “EAGLE NEST CORPORATION” SH.P.K.
2. Themeluesit e shoqërisë janë:
 - Meriton Mjekiqi, i lindur më 23.05.1995 në Waibligen, Republika Federale e Gjermanisë, madhor me zotësi juridike dhe zotësi të plotë për të vepruar, i pajisur me kartën e identitetit me numër ID0955824 dhe numër personal 1234598437, me banim në Prishtinë, Republika e Kosovës.
 - Faton Hajrizaj, i lindur më 29.07.1985 në Budisalc, Klinë, Republika e Kosovës, madhor me zotësi juridike dhe zotësi të plotë për të vepruar, i pajisur me pasaportën me numër 542299812, me banim Londër, Mbretëria e Bashkuar e Britanisë së Madhe dhe e Irlandës së Veriut.

Neni 2
Objekti

Shoqëria do të kryejë aktivitetin e mëposhtëm:

Prodhimi, riprodhimi dhe shpërndarja në Republikën e Shqipërisë dhe jashtë saj, komunikimi në publik përmes përcjelljes në publik, përmes paraqitjes publike, përmes transmetimit dhe r/transmetimit, përmes vendosjes në dispozicion të publikut, përmes përcjelljes në publik me anë të internetit, vendosjes në dispozicion të publikut në mënyrë ndërvepruese, shfrytëzimi në mënyrë digitale në internet me anë të vënies në dispozicion të publikut nëpërmjet shpërndarjes në mënyrë digitale përmes shitjes me anë të shkarkimeve dhe me anë të streaming, shfrytëzimi në mënyrë digitale në internet me anë të monetizimit në platformën “YouTube” si dhe në platformat e ngjashme me platformën “YouTube” i veprave audiovizuale, të cilat përfshijnë filmat kinematografikë, filmat televizivë, filmat e animuar, reklamat ose filmat e tjere, videot e shkurtëra muzikore, dokumentarët, emisionet televizive dhe grafikat televizive si dhe veprat e tjera audiovizuale të shprehura nga sekuanca të pamjeve lëvizëse të ndërlidhura, me ose pa zë pavarsisht nga natyra e mjetit në të cilën ato janë të fiksuar.

Prodhimi i fonogrameve të veprave muzikore të çdo lloji, duke përfshirë veprat muzikore në llojin e këngës; riprodhimi i fonogrameve të veprave muzikore të çdo lloji, duke përfshirë veprat muzikore në llojin e këngës; shpërndarja e fonogrameve të veprave muzikore të çdo lloji, duke përfshirë veprat muzikore në llojin e këngës; qiradhënia publike e fonogrameve të veprave muzikore të çdo lloji, duke përfshirë veprat muzikore në llojin e këngës; huadhënia publike e fonogrameve të veprave muzikore të çdo lloji, duke përfshirë veprat muzikore në llojin e këngës; r/transmetimi kabllor dhe autorizimi i r/transmetimit kabllor të fonogrameve të veprave muzikore të çdo lloji, duke përfshirë veprat muzikore në llojin e këngës; vënia në dispozicion të publikut në mënyrë ndërvepruese të fonogrameve të veprave muzikore të çdo lloji, duke përfshirë veprat muzikore në llojin e këngës; shfrytëzimi në

mënyrë digitale në internet me anë të vënies në dispozicion të publikut nëpërmjet shpërndarjes në mënyrë digitale përmes shitjes me anë të shkarkimeve dhe me anë të streaming të fonogrameve të veprave muzikore të çdo lloji, duke përfshirë veprat muzikore në llojin e këngës; shfrytëzimi në mënyrë digitale në internet me anë të monetizimit në platformën “YouTube” si dhe në platformat e ngjashme me platformën “YouTube” të fonogrameve të veprave muzikore të çdo lloji, duke përfshirë veprat muzikore në llojin e këngës, si pjesë përbërëse e veprave audiovizuale.

Blerja dhe shitja nëpërmjet kalimit në formë ekskluzive ose jo ekskluzive të të drejtave pasurore të kompozimeve muzikore me ose pa tekst, të të drejtave pasurore të krijimeve të fjalës, të shprehura nëpërmjet shkrimeve letrare, publicistike, shkencore si dhe çdo krijim tjetër me gojë ose me shkrim, të lajmeve si dhe të informacioneve të shtypit që kanë karakter të thjeshtë informimi.

Shfrytëzimi i kompozimeve muzikore me ose pa tekst përmes riprodhimit, shpërndarjes, qiradhënie, komunikimit në publik, huadhënie publike, përshtatjes, aranzhimit muzikor si dhe çdo transformimi tjetër, vënies në dispozicion të publikut në mënyrë digitale në internet me anë të shkarkimeve, me anë të streaming, me anë të monetizimit.

Shfrytëzimi i krijimeve të fjalës, të shprehura nëpërmjet shkrimeve letrare, publicistike, shkencore si dhe të çdo krijimi tjetër me gojë ose me shkrim, të lajmeve si dhe të informacioneve të shtypit që kanë karakter të thjeshtë informimi përmes riprodhimit, shpërndarjes, qiradhënie, komunikimit në publik, huadhënie publike, përshtatjes, përkthimit si dhe çdo transformimi tjetër, vënies në dispozicion të publikut në mënyrë digitale me anë të shkarkimeve, me anë të streaming, me anë të monetizimit.

Blerja dhe shitja përmes kalimit në formë ekskluzive ose jo ekskluzive të të drejtave pasurore të interpretimit dhe/ose ekzekutimit të artistëve interpretues dhe/ose ekzekutues të aktorëve, këngëtarëve, muzikantëve, valltarëve dhe personave të tjerë, të cilët paraqesin, aktrojnë, këndojnë, recitojnë, luajnë, interpretojnë, ekzekutojnë, ose që shfaqin në mënyra të tjera vepra letrare dhe artistike, një shfaqje të çdo lloji, përfshirë format e shprehjes së folklorit, varietete, shfaqjet e cirkut ose shfaqjet me kukulla.

Drejtimi, zhvillimi, udhëheqja dhe mbrojtja e karrierës artistike profesionale e artistëve interpretues dhe/ose ekzekutues, në të cilët përfshihen aktorët, këngëtarët, muzikantët, valltarët dhe personat e tjerë, të cilët paraqesin, aktrojnë, këndojnë, recitojnë, luajnë, interpretojnë, ekzekutojnë, ose që shfaqin në mënyra të tjera vepra letrare dhe artistike, një shfaqje të çdo lloji, përfshirë format e shprehjes së folklorit, varietete, shfaqjet e cirkut ose shfaqjet me kukulla.

Organizimi, prodhimi i veprimitarive artistike të çdo lloji, përfshirë koncertet muzikore të çdo lloji.

Botimi, prodhimi, riprodhimi dhe shpërndarja e revistave, gazetave, e krijimeve të fjalës të shprehura nëpërmjet shkrimeve letrare, publicistike, shkencore si dhe të çdo krijimi tjetër me shkrim. Komunikimi në publik përmes shfaqjes publike në faqet e internetit të krijimeve të fjalës, të shprehura nëpërmjet shkrimeve letrare, publicistike, shkencore, të çdo krijimi tjetër me gojë ose me shkrim, të lajmeve si dhe të informacioneve të shtypit që kanë karakter të thjeshtë informimi.

Prodhimi, shpërndarja, komunikimi në publik i krijimeve fotografike, duke përfshirë veprat fotografike si dhe të çdo krijimi tjetër që shprehet nga çdo proces i ngashëm me atë fotografik.

Krijimi i faqeve të internetit, mirëmbajtja dhe tregimi i faqeve të internetit.

**Neni 3
Kohëzgjatja**

Kohëzgjatja e shoqërisë do të jetë me afat të pakufizuar

**Neni 4
Selia**

Selia e shoqërisë ndodhet ne adresën:

Mak Albania Hotel, ish – Hotel Sheraton, Sheshi “Italia”, Tiranë, 1001, Republika e Shqipërisë.



KREU II KAPITALI

Neni 5 Kapitali themeltar

1. Kapitali themeltar fillestar i shoqërisë është 100,000.00 (njëqindëmijë) Lekë.
2. Pjesëmarrja e themeluesve në kapitalin e shoqërisë është në përputhje me kontributet e tyre të mëposhtme:
 - Ortaku themelues Meriton Mjekiqi është zotërues i 1 (një) kuote me vlerë të përgjithshme 49,000.00 (dyzetëenëtëmijë) Lekë, që përbën 49 % të kapitalit themeltar të shoqërisë.
 - Ortaku themelues Faton Hajrizaj është zotërues i 1 (një) kuote me vlerë të përgjithshme 51,000.00 (pesëdhjetëenjëmijë) Lekë, që përbën 51 % të kapitalit themeltar të shoqërisë
3. Kapitali themeltar i shoqërisë është shlyer dhe nënshkruar tërësisht nga Ortakët e shoqërisë.

Neni 6 Zmadhimi dhe zvogëlimi i kapitalit

1. Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nepermjet emerimit nga gjykata kompetente e një eksperti të autorizuar për këto kontribute sipas kërkesës së administratorit.
2. Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.
3. Zvogëlimi i kapitalit lejohet nga asambleja e ortakëve, e cila merr vendim në të njëjtat kushte që kërkohen për ndryshimin e statutit.
4. Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

Neni 7 Transferimi i kapitalit

1. Kuotat e kapitalit të shoqërisë dhe të drejtat që rrjedhin prej tyre mund të fitohen apo kalohen nëpërmjet:
 - a) kontributit në kapitalin e shoqërisë;
 - b) shitblerjes;
 - c) trashëgimisë;
 - d) dhurimit;
 - e) çdo mënyre tjeter të parashikuar me ligj.
2. Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe ne statut.
3. Pjesët e kapitalit themeltar janë lirisht të transferueshme me rrugë trashëgimie.

KREU III ORGANET VENDIMMARRËSE DHE DREJTUESE

Neni 8 Organë Vendimmarrës

1. Asambleja e përgjithshme është organi i vetëm vendimmarrës i shoqërisë.
2. Asambleja e përgjithshme është organi i vetëm vendimmarrës i shoqërisë që miraton çdo ndryshim të statutit sipas modalitetave të percaktuara në ligj.

3. Asambleja e përgjithshme është përgjegjëse për marrjen e vendimeve për shoqërinë për çeshtjet e mëposhtme:
 - a) përcaktimin e politikave tregtare të shoqërisë;
 - b) ndryshimet e statutit;
 - c) emërimin e shkarkimin e administratorëve;
 - d) emërimin e shkarkimin i likuiduesve dhe të ekspertëve kontabël të autorizuar;
 - e) përcaktimin e shpërblimeve për personat e përmendur në shkronjat "c" dhe "d" të kësaj pike;
 - f) mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - g) miratimin e pasqyrave financiare vjetore dhe të raporteve të ecurisë së veprimtarisë;
 - h) zmadhimin dhe zgjedhjen e kapitalit;
 - i) pjesëtimin e kuotave dhe anulimin e tyre;
 - j) përfaqësimin e shoqërisë në gjykatë dhe në procedimet e tjera ndaj administratorëve;
 - k) riorganizimin dhe prishjen e shoqërisë;
 - l) miratimin e rregullave procedurale të mbledhjeve të asamblesë;
 - m) çeshtje të tjera të parashikuara nga ligji apo statuti.
4. Asambleja e përgjithshme merr vendime për çeshtjet e përcaktuara në shkronjat "g" dhe "h" të pikes 1 të këtij neni, pas marrjes dhe shqyrtimit të dokumenteve përkatës.
5. Nëse shoqëria zotërohet nga një ortak, të drejtat dhe detyrimet e asamblesë së përgjithshme ushtrohen nga ortaku i vetëm. Të gjitha vendimet e marra nga ortaku i vetëm regjistrohen në një regjistër të vendimeve, të dhënët e të cilët nuk mund të ndryshohen ose të fshihen. Duhen regjistruar në veçanti, por pa u kufizuar në to, vendimet për:
 - a) miratimin e pasqyrave financiare vjetore dhe të raporteve të ecurisë së veprimtarisë;
 - b) shpërndarjen e fitimeve vjetore dhe mbulimin e humbjeve;
 - c) investime;
 - d) vendimet për riorganizimin dhe prishjen e shoqërisë.

Vendimet e paregjistruar në regjistrin e vendimeve janë absolutisht të pavlefshme. Shoqëria nuk mund t'i kundrejtojë pavlefshmërinë të tretit, që ka fituar të drejta në mirëbesim, përvèç rastit kur shoqëria provon se i treti ka pasur dijeni për pavlefshmërinë, apo në bazë të rr Ethanave të qarta nuk mund të mos kishte pasur dijeni për të.
6. Ortaku mund të përfaqësohet në asamblenë e përgjithshme, në bazë të një autorizimi nga një ortak tjetër apo nga një person i tretë. Administratori i shoqërisë nuk mund të veprojë si përfaqësues i ortakëve në asamblenë e përgjithshme. Autorizimi mund të jepet vetëm për një mbledhje të asamblesë së përgjithshme, e cila përfshin edhe mbledhjet vijuese me të njëtin rend dite.

Neni 9 Mënyra e thirrjes së mbledhjes së asamblesë së përgjithshme

1. Asambleja e përgjithshme thirret nga administratori ose nga administratorët e shoqërisë apo nga ortakët e pakicës.
2. Asambleja e përgjithshme thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpëra datës së parashikuar për mbledhjen e asamblesë.
3. Kur asambleja e përgjithshme nuk është thirrur sipas pikës 2 të këtij neni, ajo mund të marrë vendime të vlefshme vetëm nëse të gjithë ortakët janë dakord, për të marrë vendime, pavarësisht parregullsisë.
4. Asambleja e përgjithshme thirret nëse, sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
5. Asambleja e përgjithshme thirret kur shoqëria propozon të shesë apo të disponojë në mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
6. Asambleja e përgjithshme thirret kur shoqëria, brenda 2 viteve të para pas regjistrimit të saj,

propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.

**Neni 10
Kuorumi**

1. Në rastin e marrjes së vendimeve, që kërkojnë një shumicë të zakonshme, asambleja e përgjithshme mund të marrë vendime të vlefshme vetëm nëse marrin pjesë ortakët me të drejtë vote, që zoterojnë më shumë se 30 për qind të kuotave. Në rastin kur asambleja e përgjithshme duhet të vendosë për çështje, të cilat kërkojnë shumicë të kualifikuar sipas nenit 87 të ligjit “Për Tregtarët dhe Shoqëritë Tregtare”, ajo mund të marrë vendime të vlefshme vetëm, nëse ortakët që zoterojnë më shumë se gjysmën e numrit total të votave, janë të pranishëm personalisht, votojnë me shkresë, apo mjete elektronike, sipas parashikimeve të pikës 3 të nenit 88 të këtij ligji.
2. Nëse asambleja e përgjithshme nuk mund të mblidhet për shkak të mungesës së kuorumit të përmendur me lart, asambleja mblidhet përsëri jo më vonë se 30 ditë, me të njëjtin rend dite.

**Neni 11
Marrja e vendimeve**

1. Asambleja e përgjithshme vendos me tri të katërtat e votave të zotëruesve të kapitalit, të ortakëve pjesëmarrës, për ndryshimin e statutit, zmadhimin ose zvogëlimin e kapitalit të regjistruar, shpërndarjen e fitimeve, riorganizimin dhe prishjen e shoqërisë.
2. Asambleja e përgjithshme vendos me shumicën e votave të ortakëve pjesëmarrës, për çështjet e tjera të renditura në nenin 8 të këtij statuti.
3. Me përjashtim të rasteve kur parashikohet ndryshe në ligjin “Për Tregtarët dhe Shoqëritë Tregtare”, vlefshmëria e vendimeve që përcaktojnë detyrime shtesë mbi ortakët, apo vendimet që kufizojnë të drejtat e tyre, të parashikuara në ligjin “Për Tregtarët dhe Shoqëritë Tregtare” ose në statut, kushtëzohet nga miratimi i ortakut përkatës.

**Neni 12
E drejta e votës**

1. Me përjashtim të rasteve kur parashikohet ndryshe në statut, çdo kuotë jep të drejtën e një vote.
2. Ortakët, që nuk janë të pranishëm, mund të janë pjesëmarrje në mbledhjen e asamblesë së përgjithshme me mjete të ndryshme komunikimi, përfshirë mjetet elektronike, me kusht që të garantohet identifikimi i ortakëve.
3. Mjetet elektronike përfshijnë, por pa u kufizuar në to:
 - a) transmetimin e mbledhjes së asamblesë së përgjithshme në kohë reale;
 - b) komunikimin e ndërsjellë në kohë reale, i cili u mundëson ortakëve të shprehen për mbledhjen e asamblesë së përgjithshme nga një vendndodhje tjeter;
 - c) mekanizma, që mundësojnë procesin e votimit, përpëra apo gjatë mbajtjes së mbledhjes së asamblesë se përgjithshme, pa qenë nevoja të caktohet një përfaqësues i autorizuar, për të marrë pjesë fizikisht në mbledhje.
4. Përdorimi i mjeteve elektronike, për t'u mundësuar ortakëve të marrin pjesë në mbledhjen e asamblesë së përgjithshme, bëhet me kushtin që të merren masat teknike të nevojshme për të garantuar identifikimin e ortakëve dhe sigurinë e komunikimeve elektronike, deri në atë masë që ky përdorim të jetë proporcional me arritjen e këtyre qëllimeve.
5. Ortakët kanë të drejtën, që u njihet nga ky ligj apo statuti, për të marrë unanimisht çdo vendim, me kusht që kjo marrëveshje të bëhet me shkrim.

Neni 13
Përjashtimi nga e drejta e votës

1. Ortaku nuk mund të ushtrojë të drejtën e votës nëse asambleja e përgjithshme merr vendim për:
 - a) vlerësimin e veprimtarisë së tij;
 - b) shuarjen e ndonjë detyrimi në ngarkim të tij;
 - c) ngritjen e një padie ndaj tij nga shoqëria;
 - d) dhënien ose jo të përfitimeve të reja.
2. Kur ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interes, ashtu si dhe ortaku, të cilin përfaqëson.

Neni 14
Administrimi

1. Asambleja e përgjithshme emëron një ose më shumë persona fizikë si administratorë të shoqërisë. Afati i emërimit, është 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Biznesit.
2. Administratorët e një shoqërie tregtare mëmë, nuk mund të emërohen si administratorë të një shoqërie të kontrolluar e anasjelltas. Çdo emërim i bërë në kundërshtim me këto dispozita është i pavlefshëm.
3. Shoqëria administrohet nga një administrator:
Meriton Mjekiqi, i lindur më 23.05.1995 në Waibligen, Republika Federale e Gjermanisë, madhor me zotësi juridike dhe zotësi të plotë për të vepruar, i pajisur me kartën e identitetit me numër ID0955824 dhe numër personal 1234598437, me banim në Prishtinë, Republika e Kosovës, i cili do të ushtrojë funksionet në këtë detyrë për një periudhë kohore 5 vjeçare me të drejtë ripërtëritje.

Neni 15
Kompetencat e Administratorit

1. Administratori ka të drejtë e detyrohet të:
 - a) kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
 - b) përfaqësojë shoqërinë tregtare;
 - c) kujdeset për mbajtjen e saktë e të rregullt të dokumenteve dhe të librave kontabël të shoqërisë;
 - ç) përgatisë dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqet këto dokumente përrpara asamblesë së përgjithshme për miratim;
 - d) krijojë një sistem paralajmërimi në kohën e duhur për rr Ethanat, që kërcënojnë mbarëvajtjen e veprimtarisë dhe ekzistencën e shoqërisë;
 - dh) kryejë regjistrimet dhe dërgojë të dhënat e detyrueshme të shoqërisë;
 - e) raportojë përrpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
 - ë) kryejë detyra të tjera të përcaktuara në ligjin "Për Tregtarët dhe Shoqëritë Tregtare" dhe në këtë statut.
2. Administratori është i detyruar të therasë asamblene e pyrgjitheshme, në rastet kur:
 - a. sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
 - b. shoqëria propozon të shesë apo të disponoje një mënyrë tjetër aktive, të cilat kanë një vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
 - c. shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.



3. Nëse asambleja e përgjithshme emëron më shumë se një administrator, ata e administrojnë bashkërisht shoqerinë.
4. Asambleja e përgjithshme mund të shkarkojë administratorin në çdo kohë me shumicë të zakonshme. Paditë, që lidhen me shpërblimin e administratorit, në bazë të marrëdhënieve kontraktore me shoqerinë, rregullohen sipas dispozitave ligjore në fuqi.

Neni 16
Përgjegjësitë e Administratorit

1. Administratori është përgjegjës individualist, ndaj shoqërisë ose ndaj të tretëve, për shkelje të ligjeve, për shkelje të statutit, apo për faje të kryera gjatë administrimit të shoqërisë.
2. Pasojat e marrëveshjeve të pamiratuara nga asambleja e përgjithshme, që i sjellin dëm shoqërisë, i ngarkohen administratorit dhe ortakut që ka bërë marrëveshjen, për të përballuar në mënyrë individuale ose solidarisht sipas rastit pasojat përkatëse.
3. Përveç sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit “Për Tregtaret dhe Shoqëritë Tregtare”, administratori detyrohet:
 - a) të kryejë detyrat e tij të përcaktuara në ligj dhe në statut në mirëbesim e në interesin më të mirë të shoqërisë në tërësi, duke i kushtuar vëmendje të veçantë ndikimit të veprimitarës së shoqërisë në mëdus;
 - b) të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
 - c) të vlerësojë me përgjegjësi çështjet, për të cilat merret vendim;
 - d) të parandalojë dhe mënjanojë rastet e konfliktit, prezent apo të mundshëm, të interesave personalë me ata të shoqërisë;
 - e) të ushtrojë detyrat e tij me profesionalizmin dhe kujdesin e nevojshëm.
4. Administratori, gjatë kryerjes së detyrave të tij, përgjigjen ndaj shoqërisë për çdo veprim ose mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.
5. Nëse administratori vepron në kundërshtim me detyrat dhe shkel standarde profesionale, sipas pikave 3 e 4 të këtij neni, eshte i detyruar t'i dëmshpérblejë shoqërisë dëmet, që rrjedhin nga kryerja e shkeljes, si dhe t'i kalojë çdo fitim personal që ata apo personat e lidhur me ta kanë realizuar nga këto veprime të parregullta. Administratori ka barrën e provës për të vërtetuar kryerjen e detyrave të tyre në mënyrë të rregullt e sipas standardeve të kërkua. Kur shkelja është kryer nga më shumë se një administrator, ata përgjigjen ndaj shoqërisë në mënyrë solidare.
6. Në mënyrë të veçantë, por pa u kufizuar në to, administratori eshte i detyruar t'i dëmshpérblejë shoqërisë dëmet e shkaktuara, nëse, në kundërshtim me dispozitat e ligjit “Për Tregtarët dhe Shoqëritë Tregtare”, kryen veprimet e mëposhtme:
 - a) u kthen ortakëve kontributet;
 - b) u paguan ortakëve interesa apo dividendë;
 - c) u shpérndan aktivet shoqërisë;
 - d) lejon që shoqëria të vazhdojë veprimitarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
 - e) jep kredi.
7. Përveç padisë për shlyerjen e dëmit që i ngarkohet personalisht administratorit, ortakët individualist ose se bashku, kanë të drejtë të ngrënë padi penale kundër administratorit. Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpérblimin financier, nëse është e nevojshme. Asnjë vendim i asamblesë nuk mund të ndalojë ngritjen e kërkesë padisë kundër administratorit për gabimet e kryera prej tij gjatë ushtrimit të detyrës.

KREU IV
VITI FINANCIAR-EKSPERTET

Neni 17
Viti Financiar

Viti finansiar i Shoqërise fillon më 1 Janar dhe përfundon më 31 Dhjetor. Perjashtimisht, viti i parë finansiar fillon nga data e regjistrimit të shoqërisë në Qendrën Kombëtare të Biznesit dhe mbyllet më 31 Dhjetor. Brenda 6 muajve nga mbyllja e vtitit financiare, asambleja e përgjithshme mmiraton bilancin e paraqitur nga administrator. Asambleja e përgjithshme vendos rrëth shpërndarjes së dividendidit, pasi të jenë zbritur humbjet e vtitit të mëparshëm finansiar, siç parashikohet nga ligji.

Neni 18
Ekspertët

1. Eksperti ka për detyrë që të kontrollojë të gjithë dokumentacionin kontabël të veprimitarise ekonomiko tregtare të shoqerise, atë gjithëvjetor dhe atë në lidhje me kontrollet periodike të ushtruara prej tij për rastet kur ai është ngarkuar dhe ka kryer një gjë të tillë i ngarkuar nga ana e ortakëve.
2. Në perfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit finansiar vjetor si dhe për atë për kontrollet periodike të ushtruara, të cilat është i detyruar që t'ja paraqesë e dorezojë në kohë ortakëve për t'i shqyrtuar e miratuar mbi bazën e të drejtës vendimore që ka.

KREU V
PRISHJA – RIORGANIZIMI I SHOQËRISË

Neni 19
Prishja e shoqërisë dhe likuidimi

1. Shoqëria prishet:
 - a) kur mbaron kohëzgjatja e parashikuar në themelin e saj;
 - b) me vendim të asamblesë së përgjithshme;
 - c) me hapjen e procedurave të falimentimit;
 - d) nëse nuk ka kryer veprimitari tregtare për dy vjet dhe nuk është njoftuar pezullimi i veprimitarise në përputhje me pikën 3 të nenit 43 të ligjit nr.9723, datë 3.5.2007 “Për Qendrën Kombëtare të Regjistrimit”;
 - e) me vendim të gjykatës;
2. Në këtë rast ortakët marrin vendim me shkrim ne të cilin parashikojnë mënyrën e likuidimit të shoqërisë, duke caktuar 1 apo disa likuidatorë dhe shënuar në çdo dokument të nxjerrë prej tij emrin e likuidatorit dhe emërtesën shtesë “Shoqëri në likuidim e sipër”.
3. Prishja e shoqërisë ka si pasojë hapjen e procedurave të likuidimit në gjendjen e aftësisë paguese, me përashtim të rasteve kur është nisur një procedurë falimentimi. Likuidimi kryhet nga likuiduesit e emëruar nga ortaket.
4. Nëse ortaket nuk merrin një vendim për emërimin e likuiduesve, brenda 30 ditëve pas prishjes, çdo person i interesuar mund t'i drejtohet gjykatës, për të caktuar një likuidues.

Neni 20
Riorganizmi i shoqërisë bashkimi-ndarja

Shoqëria mund të ndahet, bashkohet sipas vendimit të asamblesë së përgjithshme, në përputhje me dispozitat ligjore të parashikuara në Pjesën IX të Ligjit “Për tregtarët dhe shoqëritë tregtare”.

Neni 21
Baza Ligjore

1. Shoqëria do të zhvillojë aktivitetin në përputhje të plotë me këtë statut dhe dispozitat e legjisacionit shqiptar.
2. Për sa nuk parashikohet në këtë statut, do të zbatohen dispozitat e ligjit “Për tregtarët dhe shoqëritë tregtare”, Kodit Civil dhe çfarëdo ligji tjetër specifik në Republikën e Shqipërisë.

Neni 22
Mosmarrëveshjet

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për çdo mosmarrëveshje që mund të lindë midis shoqërisë dhe të tretëve, do të jetë kompetente Gjykata Shqiptare.

ORTAKËT
E SHOQËRISE ME PËRGJEGJËSI TË KUFIZUAR
“EAGLE NEST CORPORATION”

Meriton Mjekiqi




Faton Hajrizaj


Faton Hajrizaj